

Uloga EU je ključna: Lajčák se susreo sa generalom McCollom



Visoki predstavnik i specijalni predstavnik EU, Miroslav Lajčák, danas se susreo sa generalom Johnom McCollom, zamjenikom vrhovnog komandanta savezničkih snaga NATO-a za Evropu i operativnim komandantom EU za operaciju ALTHEA (EUFOR).

Visoki predstavnik i specijalni predstavnik EU informirao je generala McColla o političkoj situaciji u BiH, istakavši važnost nastavka odlične saradnje između Ureda visokog predstavnika i specijalnog predstavnika EU i EUFOR-a.

Ističući da bi potpisivanje Sporazuma o stabilizaciji i pridruživanju i hapšenje i izručenje Radovana Karadžića trebali biti glasnici nove političke ere, visoki predstavnik i specijalni predstavnik EU podvukao je da međunarodna zajednica treba da ostane angažovana u periodu tranzicije OHR-a u angažman predvođen EU koji će koordinirati specijalni predstavnik EU.

“Evropski put je najbolje moguće rješenje za postizanje dugoročne stabilnosti u cijeloj regiji,” rekao je Lajčák. “To je jedina osnova za dugoročni razvoj u Bosni i Hercegovini”.

General McColl je istakao da će EUFOR nastaviti da daje svoj doprinos sigurnom okruženju u cijeloj BiH, u skladu sa njegovim daytonskim mandatom. Lajčák je pozdravio činjenicu da

EUFOR ovoj zemlji pruža sigurnost od vremena raspoređivanja svojih trupa i podvukao da, u vremenu kada se mijenja priroda međunarodnog prisustva i jača uloga EU, dalje prisustvo EUFOR-a će poslati snažan signal o privrženosti Evropske unije Bosni i Hercegovini.

U toku njegovog sastanka sa visokim predstavnikom i specijalnim predstavnikom EU, general McColl je izrazio nastavak pune podrške EUFOR-a visokom predstavniku i specijalnom predstavniku EU i njegovoj misiji u BiH.